



数据加载失败，请稍后重试！

中國地方志集成

湖北府縣志輯 ⑤⑥

同治建始縣志

同治巴東縣志

同治恩施縣志

江蘇古籍出版社 ● 上海書店 ● 巴蜀書社

重修建始縣志序

建始本漢巫縣地晉初置縣隋以後因之而分隸不常明洪武中隸夔州

國朝雍正十三年改施州衛為府以縣為入省必由之路撥隸施

南蓋楚蜀之咽喉也舊有抄本志一冊不著撰人名氏前使者廬陵王君謂其簡核有餘韻擬諸韓邦奇朝邑之遺後之踵而成者莫不權輿於此嘗論修志之難苦於一字不容無來歷施

以改土歸流之區無文可徵無獻可考曩者議纂郡乘賴有唐童王三氏衛志之存資為粉本且遲之五十餘年而就緒况建之自蜀歸楚更不及上詳衛事哉則猶幸前人之尚有可因也

前志編於前邑令袁侯今邑令熊侯以乙丑春蒞任進袁侯之志而觀之慨然於山川形勝之表延戶口賦役之科則風俗人文之樸茂禮制政典之燦陳則曰前事之師也又病其擇焉而

不精語焉而不詳紊而不能理
晦而不能白也則又曰是吾責
也於是蒐散佚撫新聞討論而
潤色之不期年而大帙裒成於
戲袁侯得前人之志而因之以
溯其源熊侯復得袁侯之志而

因之以承其委是皆善所因者
也豈不足紹前徽而貽後鑒哉

余奉

命視學楚邦丙寅春蒞臨施郡道出
是邑見其人文秀潔比戶可封
進而試之彬彬乎雍容而揖讓

仰見

聖朝郅治之隆不以僻壤遐陬而或
異也夫問俗采風使臣之職也
讀熊侯之志可以知其政已
同治五年丙寅夏五月湖北督
學使者壽春孫家鼐撰

重修建始縣志序

邑之有志辨疆域輿圖之實
詳戶口田賦之繁誌人物山川
之勝以傳後世而耀無窮誠
至美也同治乙丑春余蒞任斯

建始縣志

卷首序文

一

邑道幸方伯命以省志鉅版
劫後無存亟亟編纂今名鈔
初綱屋蒐討增脩邑志以圖
仰見

大憲維持風化培植人之所以紀

聖功而昭法奇者用意至深且
切查建始縣志於道光二十三
年雖經前令袁君纂列未久
第事蹟闕略條目紛歧未可
以稱善率況迄今二十餘年

建始縣志

卷首序文

二

其間忠孝節義興文之學
科名繼起者又不乏人設令
歷時久遠湮沒弗傳亦同土
者之然也爰為延訪紳耆指
求散佚相與正訛而訂課覈

實而裁密為增步增之常削
者削之今門別類編輯成書
付諸剞劂敢謂為信史足
供採擇於輶軒柳聊作已乘
之粉本不令是邦文獻年微

建始縣志

卷首序文

三

是則余之厚幸也矣

告

同治五年歲次丙寅仲夏月
知縣知事零陵熊登詠撰

建始縣志初編原序

康熙四十二年

武令謨

嘗聞國有史省郡州縣有志家有譜其義一也然無
著述之才不足以激濁揚清無博通之識不能以準
今酌古有其才矣有其識矣而言過其實雷同相從
隨聲附和挾委蛇比暱之私而毫無大公直道將所
謂一字之褒譏為千古之定評者安在哉昔孔子曰
知我者其惟春秋乎罪我者其惟春秋乎由此觀之
可見操是筆者非尚辭而已若夫城郭室廬以誌其
麗山川人物以誌其秀土產風俗以誌其美非不動

建始縣志

卷首原序

一

觀覽者之耳目然所以旌善別惡存是非之公移習
俗而興禮讓者實有至理寓焉余自釋褐以來每孜
孜好古絕去浮夸而亦未嘗言人所短壬申筮仕西
秦屈指七載閱歷兩邑凡教化興行苟有裨益士子
兆民者余雖不敏亦從而記之勒垂片石一則鄭重
其事一則質諸高明非自炫也願與斯世斯民共鼓
舞於浩蕩中耳辛巳起復迴膺

簡命濫蒞斯土目擊荒涼寤寐自思以為服古入官
僅與子遺相對將禮於何考而樂於何求也觴詠之

餘偶閱斯志聊具粗畧其鄙已甚余不禁撫然曰聖人不
易民而治智者變俗而勸於傳有之夫誌者勸懲之書也忠
義節烈莫不悉載一邑之污隆何可不急講耶惜乎建邑
編小屢遭兵燹雖紳衿秀穎濟濟多士然皆我

皇上多方作育崛起新進之才而當日之文獻俱不足
徵矣余念切痼瘼仰體

朝廷崇文至意遍訪諸紳就其繁簡異宜者而品節之
辭不達意者而潤色之其間城郭室廬山川人物

建始縣志

卷首 原序

二

與夫物產風俗無不核實詳明燦若列星若後之君子
才識兼優者猶可披圖而考按誌而求刪訂而成書於
以旌善別惡焉是為序

建始縣志原序

康熙四十六年

劉珙徵

稽太史省方採各國之風謠而上之

天子故小而叩廊邇邇遠而侯甸要荒凡山川之險
易風俗之貞淫人物之臧否靡不燭照而無遺於以
施其張弛調劑之術以撫育此元元也誌其可少哉
論建於今日誠無可誌然考古宋元時猶屬楚施州

至明割隸變郡其志之有無固不可考即有矣我

朝定鼎而後又屢經兵燹邑同草昧文獻無徵從前
蒞茲土者類皆因陋就簡視此為不急之務均置而
不論洎前任吳君祖備修舉武君慨然草創成編然
擇焉不精語焉不詳若使承訛襲舛疑以傳疑世遠
而言愈湮矣余不禁殷然念曰操觚記勝吾儒事也
修廢舉墜有司職也敢辭不敏而謝修明之責歟爰
取遺編更加博採參互考訂殘缺者補之失次者序
之記事表年務求其確論人博物悉覈其詳續百代

建始縣志

卷首 原序

三

之源派昭一邑之典故雖不敢謂書自我作古自我
博但使蕞爾之山川風俗人物以及前言往蹟不致
泯於當時纂集成編以備風謠之採俾得疾苦上聞
膏澤下逮起凋殘而臻康阜是則余之志也至若踵
事增華災梨毒世端有藉於後之同志者耳

重修縣志序文

道光二十一年

湖北學政朱鳳標

郡縣之有志也志古也兼志今也我朝重熙累洽久
道化成凡屬山海海邑政蹟之昭垂藝文之彪炳忠
孝節義之所表見莫不幸際

昇平蒸蒸日上使非秉筆以垂久遠則湮沒者多矣志願可少哉余恭膺

簡命視學楚北試施南道經建始邑宰袁君龍溪修縣志初成問序焉建始本夔州屬邑改隸施南疊嶺崇岡四面環繞其磅礴鬱積之氣鍾英而毓秀與夫一切舊章成憲必有可觀者第舊志無完書其軼事時見於他說袁君網羅蒐討輯成若干卷分門別類比事屬辭採訪周而去取當今固喜其信而有徵而尤嘉袁君之能大異乎俗吏之所為也夫修廢舉墜

建始縣志

卷首 原序

四

守土者責也然視為具文則不欲為憚於經始則不敢為日從事於簿書錢穀則又不暇為袁君知必為為必成且速如是上以昭車書一統之休下足備問俗觀風之選所謂文章報

國者非耶且建始地當孔道為楚蜀咽喉邑雖小而民情之頑梗難治則與繁劇等袁君甫下車逾年政通人和民賴之若慈父母則大有造於建始者循良之績正未有艾也豈特一志之成云乎哉爰不辭而為之序

重修縣志序

荆宜施道溫予巽

夫志何為而作也蓋備輶軒之抹上貢天子者也呂志乎爾疆域畫焉山川分焉有戶口以驗生聚有風俗以判貞淫由是而文獻彬彬由是而稅賦籍籍人有忠孝節義物有草木蟲魚莫不殫然畢具守其土者不難按冊而稽以施其治之之法志願可以弗備乎夫作志難而作建始之志則尤難考建始為古巴蠻之地未有君長俱事鬼神乃共擲劍於石穴約能中者奉以為君巴氏子務相迺中之又令各乘土舟

建始縣志

卷首 原序

五

於夷水清江約浮者當以為君惟務相獨浮此即所謂廩君也酈道元引袁山松之言謂事傳鴻古難以明徵在後魏時即不可援以為証而况又歷千有餘年乎此作建始之志所以難也然而洪濛之世漸遠夜郎之習日除歷代之沿革損益其軼事時見於他說自我

朝重熙累洽久道化成改土歸流蒸蒸日上又得良有司撫輯綏嘉人文蔚起羣推禮義之鄉也蒞斯土者亦安得默爾而息乎光山袁君寧是邑治勵官箴

勤求民瘼一邑之利害無不隨時而興除之俗吏之所為不為也復於簿書鞅掌之際留心翰墨閱前此抄本舊志惜其無完書而恨其無善本於是廣為搜羅精以採擇不憚筆者筆削者削輯成若干卷分門別類各有所歸炳炳烺烺乎成為信志也夫袁君之學力如此則袁君之政績可知矣他日譜入循良心跡昭著豈僅為一邑觀摩已哉書成屬序於予爰將修輯之難用心之善以誌緣起云耳是為序

重修縣志序文

荆宜施道 李廷榮

建始縣志

卷首 原序

六

古之為政者必洞悉於山川之險易風俗之貞淫而後可以物土布利因俗化民而教養興焉此周禮職方懷方土訓誦訓之官所由設也施南一郡舊志以土司自乾隆元年始改土歸流惟建始一邑前屬蜀之夔府素稱邊鄙自立施郡而割以隸焉余於癸卯仲春循例為宜施之行由峽江上巴東舍舟而櫟過天柱峰入建始界蜿蜒深谷猱崇巖憑高四望萬峰攢簇森然如聚米村落稀疎背絕崖而臨回谿壑土以耕雜植林木民生貧苦風俗古樸亦若別有所樂利

建始縣志

卷首 原序

七

者時龍溪袁大令來謁於途詢知是邑所隸大抵如斯其剴然中開建都邑成閭巷較殷盛者周回僅數里而已詢以志書則前此未有龍溪實創為之今始竣事因得按其山川考其土俗而生齒之衆寡民情之苦樂賦役之繁簡學校之廢興皆可得而稽焉夫為治者莫過乎當繁劇之區則謗為不能遍過簡樸之地又以為不足為建雖小邑又在深山窮谷之間顧其樸者可驅而農其秀者可勗而士也龍溪甫下車即汲汲於此故吾聞其勤求吏治也開誠布公仁心為質於民則恤之如慈母於士則誨之如嚴師勸農興學百計籌畫昕夕不遑士民亦皆諒其誠心於興廢舉墜之事皆踴躍從事焉是書之成亦畧見一斑也異日者巫峽夜郎之間華路藍縷之俗黍翁鬱婦樂其室家恤慈磨圭烝我髦士甘棠之愛徧及於山林去思之碑分鑄於岩谷綜厥治績光茲史編俾採風者於循吏中首屈一指焉龍溪勉乎哉

重修縣志序文

施南府知府 顧椿

志者所以記事傳軼也凡省郡州縣皆各有志若荒

阪僻壤文獻無徵又乏人為之網羅散佚考証觀聞
即湮沒無傳施南府屬之建始縣形勢雄鬱民俗簡
陋有太古遺風原為川省屬邑自雍正十三年施州
改土歸流設立郡縣遂割隸楚其百餘年來涵濡於
聖人之德化又一變至道焉歲庚子余奉

命出守建平適龍溪袁君宰斯邑以慈惠為政凡所
以振興文教扶持節義者皆見諸實政尤以表彰前
哲考鏡典型為已任因出所輯縣志示余屬為之序
余曰是固守土之責也彼通都大邑其疆域山川田

建始縣志

卷首 原序

八

賦學校文物武備無不勒成一書犁然畢具豈列我
版圖者以荒僻而聽其泯焉弗彰歟披閱是編取舍
精當簡而明約而賅繼自今蒞茲土者皆得循其舊
而圖其新知疆域所由拓風氣所由開將見簡者由
樸而歸諸華陋者化文而不離乎質得山澤雄鬱之
氣蒸蒸焉而治益臻於古是固賢尹之素志尤余所
樂觀厥成者也是為序

重修縣志序文

訓導 嚴垣

志者識也識其政亦識其志也尚書所載多誓誥語

其體未備而麟經則識周以來其言簡其旨遠弗可
及矣至史遷而與圖紀載風俗禮樂食貨文藝無弗
志也非夸也明政理所宜施以為後世法故國有史
邑亦有志志即外史也江淹有言修史之難無出於
志鄭樵謂志者憲章所在必老於典故然後能為之
苟考之不詳數之失實言之蔑文奚以昭勸戒而為
千秋守土者龜鑑耶建始在明隸川省夔州乾隆改
元始屬施南向無邑志僅存抄本一冊所撰者姓氏
弗傳亦無序跋龍溪袁公以西陽名孝廉來蒞斯土

建始縣志

卷首 原序

九

期年而政行公餘不安於粉本之簡畧慨然有纂修
之志曾與垣商垣以迂拙鮮通辭旋捧檄晉省公乃
謀諸邑中士出其才學識裒集令往以成其書其壻
卯川張茂才手錄之計必綜一邑之山川田賦學校
人才風俗政治有關於
國計民生之遠且大者輯以傳信而一切摭拾蕪辭
概刪不錄固不類於海東不實玉卮無當徒為解嘲
撫掌之須也可知差竣旋建而志已編次成帙付之
叢黎從垣索序垣因之重有感焉建邑界連巴蜀處

重巒疊嶂間垣雉叢昔李邑侯之鍊兵禦寇諸土蠻
聞而胆寒者也左司牧之鳩工扈農我建人之感而
泣下者也迄今復隸建平百餘年矣向之蒞是邑豈
無一二賢令尹才擅三長學通五始可以躬膺筆削
善因其所創者然或以人文未起曠土鮮開民之利
未興則思所以培植之而不暇修或以強暴鯨吞盜
賊蜂起民之害未除則思所以整頓之而不及修抑
或寒士起家為吏撫茲斗大山城外而民貧地瘠內
而茹蘖飲冰而滕訴既見其倥偬供帳復滋其繁擾

建始縣志

卷首

原序

十

則百憂攬心一官掣肘雖欲修之其何能修以他所
不暇修不及修不能修者公當盤根錯節獨毅然任
之竟成一邑完書噫嘻豈不賢哉昔令尹子文舊政
告新孔子以為忠朱晦翁守南康下車首問郡志君
子謂儒者為治能知所重如此公今能與古人侔烈
噫嘻豈不賢哉或曰公史才也出而為吏非其志也
是志也斯其志也或曰公非百里才也溫文爾雅見
一斑焉是志也即其政也之二說者垣將於公乎必
之他日入直承明更以其良吏才佐

聖天子珥筆丹墀採訪格言必有謬謬匪躬之節雖
班馬何讓也於斯舉先之矣垣濫竽司鐸適逢其會
亦與有末光焉是為序

重修縣志原序 道光二十一年 袁景暉

古者大司徒掌土地人民之數以達於上下自土訓
誦訓而外逮及州長黨正里宰族師莫不歲有校登
月有稽察吁何治之詳而官之備歟蓋一邑之中舉
凡疆域之遠近戶口之盈虛風俗之貞淫奢儉與夫
山川草木鳥獸蟲魚物類之微一皆燦然臚列俾觀

建始縣志

卷首

原序

十一

風者藉以規政迹之所存守土者因以施救弊補偏
之術是則邑之需志亦政事之一大端也建邑古屬
荒微元宋以後胥隸土司明季因於兵燹者復數十
年文獻之無徵亦奚足怪我

朝蕩平六合

列聖相承禮樂車書通乎萬國方今

文教昌明涵濡浹被建邑彬彬文學無異名區矣而
邑志猶未備者豈囿於渾噩之習歟抑限於物力之
艱歟何歷代以來其間之政績文章淑人君子聽其

湮沒若是也庚子夏余蒞是邦首詢邑志僅於李秋圃家藏獲四十餘篇不著編纂姓氏其叙次亦未詳列因於接見紳耆之際悉心採訪續經范君立齋吳子介人陳子松岩手輯成篇一例補入外此者無間焉今閱歲餘矣會有梓工派寓茲土謝君茹芝復函請於余不獲已仍就原文僭加刪改並見聞所錄隨附雕刻荒蕪之譏知所不免然非敢曰志也以作邑志之粉本云耳若夫搜羅宏富潤色鴻篇尤有望於後之博雅者是為序

建始縣志

卷首 原序

十二

凡例

一邑志原有鈔本袁前任因之編輯付梓雖書未盡善實邑乘之權輿茲編之藍本也

一袁志縣境圖甚簡畧且界劃未清頗失本邑形勢茲特另繪新圖凡要隘名區道里遠近

悉標出註明以便醒目仍存舊圖備參考焉

一文廟係重經修建規制聿新茲亦另繪新圖併原圖列於篇首庶以見興革之大略焉

一袁志中刊刻捐修考棚勸置社學義田各事

建始縣志

卷首 凡例

一

文批頗多然皆有案牘可稽毋庸贅錄茲特一概刪除以歸簡便

一舊志頭緒紛歧茲已詳加刪訂改立八卷以

統之庶披閱有條

一卷中綱目篇首各有小叙原文未備僭加增

補

一山川風物古蹟名區確係游覽所經洵足表

誌者一併纂入

一戶口舊志未詳茲照歷屆編審冊數纂入然

近年生齒日繁實不啻倍蓰也

一袁志甲第僅陶仁明一人茲續增數人或由四川夔州府志或有塋墓碑碣在縣境內可據始行依次編入

一忠孝節烈俱照舊志刊刻其有續經採訪者雖未經詳請旌表亦一併列入庶往哲前徽不致湮沒

一藝文凡有關於風土者皆照舊本鈔謄至近人之作雖關本邑事蹟概不錄入

建始縣志

卷首 凡例

二

一凡志中新增各事蹟或見之郡乘夔志或得諸輿論方言皆確有依據者始敢沿類彙入若少弗徵信則亦不敢載矣

建始縣志目錄

卷首

序文

凡例

目録

圖考

卷一方輿志

疆域

沿革

建始縣志

卷首目錄

勝蹟

卷二建置志

城池

學校

鄉里

鋪遞

卷三典禮志

壇廟

名宦

附列傳

星野

山川

事變

衙署

學額

學田

場市

塘汎

祀典

鄉賢

附列傳

形勝

古蹟

倉庫

書院

關梁

祭銀

寺觀

義塚

卷四食貨志

戶口

鹽引

廉俸

蠲卹 孤貧

卷五官師志

文職 附僚

卷六選舉志

建始縣志

甲第

卷七人物志

節孝

忠義

卷八藝文志

詩

風俗

田賦 學和

物產

營餉

雜稅

開採

工役

卷首目錄

舉貢

行誼

武勳

貞烈

方外

文

建始縣




建始縣志


卷首圖考

建始縣志

縣始建增新



池城



方輿要隘圖



